

RECEPSIE



Op **zunig 20 jannewari** hoaje Prins Len I en zien Prinses Maud receptie. Idderein is van herte welkom om ut prinselikke paar te kome felicitere van 14.11 oor tot 16.11 oor. Daonao geit ut fieeste gewein door in zaal "Ons Dorpshuis".

HALERSE BÓNTJE...



...Aovendj vindj plaats op **zaoterdig 2 fibrewari**. Auch dit jaor steit ein keur aan Halerse artieste oppe Bühne. Wae kinne verklappe det dit jaor ut jóngste talent oets mit duit, en det dur ein persiflaasj van ein echte Top-40 hit te heuare zal zeen. Mis ut dus neet!

JEUGDSLEUTEL...



...euverdracht vindj plaats op **donderdag 7 fibrewari**. De Jeugdraod verzameltj om 17.30 oor bie Café bie Winy en geit den mit de bus nao Hör. Dao inne sporthal kriege de Prins en Prinses

de sleutel door de burgemeister euverhenjigdj, woeanoa ut fieest losbarstj. Om 22 oor gaon wea allemaol mit de bus terug nao Haler.



SLEUTEL...

...euverdracht veur de groeate minse is op **vriedig 8 fibrewari**, auch inne sporthal in Hör. De Raod van 1/2 Elf verzameltj om 18.30 oot in Café bie Winy, mer idderein dae det sjoene Vastelaovesspektakel wiltj mit maake, is van herte welkom om mit te gaon!

SPAARKAS...

...lichte is op **zaoterdig 9 fibrewari** vanaaf 20.30 oor. Alle lede van Spaarkas 't Dörpsklüeske kinne den ut gespaardje geldj aafhoole. Ut is te hope det ut gezagdje "Geldj stinktj" neet kloptj, en det ut eine gezellige aovendj mit veul frisse locht weardj.

MÖPKES

Toppers

Eine Halerse jong, wae zulle hum veur ut gemaak mer Maurice neume, dae tuftj neet in ein pilske. En as hae den good in ut glaeske gekeke haet, den lust hae waal get te aete. Noe haaj hae zich op eine raegenechtige daag in mei ins oetgeraekendj, waat det der op ein jaor kwiet waas aan eier, die hae eederskieër bakdje, nao ut op stap gaon. Det waas ein hieël kapitaal. Om de onkoste get te drukke, kreeg Maurice ein good idee. Vanne biologie-les kos hae zich nog herinnere det eier door hoonder gemaaktj waere. Hae tummerdje zich ein sjoean hoonderhok, en ging op zeuk nao get heunkes. Die haaj hae al gauw gevonje, en de boor verzeekerdje Maurice det der mieër eier gelag zooje waere, den hae op kos aete. Ein paar daag later waerdje Maurice smurges vreug wakker van ein "kukelekuu" onger ziene raam. Maurice waas nog neet good wakker, en hae dacht: "kukelekuu"? Van diezeldje biologie-les kos hae zich auch nog herinnere det ein hoon gein "kukelkuu" zaet, en ein haan gein eier ligtj. Wie hae efkes later de hoonder (en de haan) ging voore, vlooge die hoonder op ut voor aaf wie vrolluuj op ein aanbeeijing inne supermert, mer dae haan waerdje aane kant geduudj. Ut waas noe neet echt eine haan met erg "hanig" gedraag.

Wae vanne vastelaovesgezet vinje, det Maurice ziene haan den mer ut beste "Gerard Joling" kan neume. Wae vinje den auch det dae haan eine echte "topper" is, mer wae haope auch det die heunkes echte "toppers" zeen. Anges kinne wae Maurice weer inne Spar in Ell zeen zeuke nao ein hörtje eier.

